

Pol ndê bapia ñamata-ña têt lau Tesalonika-ña Yom whê bapia dindéc sa-ña

Tesalonika in malac atu dan nan yêc gameñ Masedonia-ña. Pol in ñac ñamata-ña bu hoc ñawaê ñayham asê yêc Tesalonika (Apo 17:1-9). In mbo whin ñac bêc daêsam dom, ma lau Israel-ña nan sêkên whin Yisu dom yêc malac dau, nan sem lêmun in ma sêkên kisa in, dec in kôlhô gi. Magoc lau Tesalonika-ña nan sic hu sêkên whin Pômdau, nan sêsap si sêkên whin dôn ñanga, e ñawaê ñayham gi tiapa yêc gameñ hon dinan (1:8).

Tinambu Pol gauc gêm ñac ñapan ma kêkin Timoti bu mbo whin ñac ma êndôhôn ñac, ma bu lic ñac sêmbo ñalên bocke (3:1-5). Ma Timoti mbu têt Pol gi tiyham, ma gic min pi ñac si lêt ñayham (3:6-10). Ñawaê dau kôm Pol tac ñayham sambuc, dec in to bapia dindéc têt ñac.

Pol to yom ñatô têt lau Tesalonika-ña, bu puc ñac dôn bu sêsap mêtê ñayham dôn ma sêtimêtê dau ñapep. In whê lau batê si sêtisa ñalên sa têt ñac, bu nem malô ñac ma sêtan lau nan sêmbac ndu su, nan ênlêc dom. Ma in to yom pi mêtê ñayham-ñayham daêsam nan gic lau sêkên whin-ña ñawaê.

Pol gic hu ndê bapia

¹ Aô Pol, ma Sailas lu Timoti, ato bapia dindéc têt gôlôwac dabun malac Tesalonika-ña, mac lau

naŋ akêŋ whiŋ Damaŋ Anötö lu Pômdau Yisu Kilisi. Pômdau ndê mwasiŋ ti yom malô têŋ mac hoŋ.

Pol tac ŋayham tu lau Tesalonika si mêtê-ŋga

² Tôm bêc hoŋ yac atenŋ mbec, ma am danŋe Anötö tu mac hoŋ-ŋga. ³ Têŋ hoŋ yac atenŋ mbec têŋ Damaŋ Anötö, naŋ yac gauc gêm mac nem mêtê ŋayham. Mac akôm gwelenŋ ŋayham tu mac nem akêŋ whiŋ-ŋga, ma akôm gêŋ daêsam bu anem akiŋ asidôwai, tu mac nem mêtê atac whiŋ lau-ŋga. Ma mac akêŋ batam bu Pômdau Yisu Kilisi oc mbu meŋ, dec mac alhac ŋaŋga eŋ. ⁴ O asidôwai naŋ Anötö tac whiŋ mac ndu andô. Yac aŋyalê su bu Anötö kêgalêm mac sa ati iŋ ndê. ⁵ Nahu bu têŋ ndoc yac ahoc ŋawaê ŋayham asê têŋ mac, naŋ yom dau meŋ ŋambwa dom, magoc meŋ ti Anötö ndê ŋaclai. Ma Nalau Dabuŋ puŋ ŋawaê dau dôŋ sip nem ŋalôm, e mac akêŋ whiŋ ŋaŋga eŋ. Ma mac daôm aŋyalê mêtê naŋ yac akôm, bu anem mac sa têŋ ndoc yac ambo awhiŋ mac.

⁶ Nawapac daêsam tap mac sa, magoc Nalau Dabuŋ puc mac dôŋ, dec akôc ŋawaê ŋayham sa ti atac ŋayham atu. Nalêŋ dinaŋ mac apuc yac mba waŋaŋ, ma apuc Pômdau ndê waŋga bocdinaŋ. ⁷ Mac nem lêŋ dinaŋ ti dôhônŋ ŋayham, bu lau sêkêŋ whiŋ-ŋga yêc gameŋ Masedonia ti Akaya-ŋga hoŋ sêlic ma sêŋkuc. ⁸ Ma mac nem lêŋ ŋayham kôm Pômdau ndê ŋawaê ŋayham tiapa yêc gameŋ Masedonia-ŋga ma gameŋ Akaya-ŋga tawasê dom. Lau yêc gameŋ hoŋ sêŋgô ŋawaê bu mac akêŋ whiŋ Anötö. Bocdinaŋ gitôm dom bu yac asôm yom danŋ bu awhê mac nem lêŋ sa têŋ lau. ⁹ Lau dau sic miŋ yom hoŋ pi mac nem lêŋ ŋayham. Sic miŋ

bu mac akôc yac sa ñalêñ ñayham, ma mac ahu anötöi gwam siñ, ma anem daôm kwi bu anem akiñ Anötö nañ Anötö ñandô, ma mbo tali ñapañ. ¹⁰ Ma kwahic dec mac akêñ Batam inñ ndê Atu Yisu bu mbu akêñ undambê meñ. Inñ Yisu nañ Anötö unñ inñ sa akêñ lau batê-ñga. Yisu dau dinañ dec kêgaho yac su yêc Anötö ndê atac ñandê, nañ oc meñ sa tiawê têñ bêc ñambu-ñga.

2

Pol ndê gwelen yêc Tesalonika

¹ O asidôwai, mac añyalê bu yac ac mac kêsi ñambwa dom, magoc gwelen nañ akôm têñ mac, nañ ñandô sa su. ² Mac añgô su bu têñ ndoc yac ambo malac Pilipai, nañ lau sêpu ti sêkôm yac ñayom daêsam. Ma têñ ndoc yac ahôc asê mac nem malac Tesalonika, nañ lau sêkêñ kisa yac ñaŋga bocdinañ. Magoc Anötö puc yac dôñ, dec alhac ñaŋga ma ahoc inñ ndê ñawaê ñayham asê têñ mac. ³ Yac alhac ñaŋga ma akac mac bu akêñ whiñ Yisu, ñahu bu yac añyalê bu yom nañ yac ahoc asê, nañ yom tasanñ dom, ma yac amenñ ambo awhiñ mac tu bu akôm mêtê sac me añsau mac-ñga dom. ⁴ Mba! Yac añyalê bu Anötö gêlic yac atôm solop, dec kênñ ñawaê ñayham sip yac amanñ. Ma bocdinañ yac ahoc ñawaê ñayham asê tu bu lau sêlic yac ñayham-ñga dom. Mba! Yac akôm tu bu Anötö, nañ kêyalê yac neñ ñalôm e pi sa, nañ lic ñayham. ⁵ Mac añyalê bu yac ambac yom mac dom. Ma Anötö dau kêyalê bu yom taŋgatu gêñ-ñga dañ siñ dau yêc yac mba ñalôm dom. ⁶ Ma yac akôm tu bu mac me lau ñatô sêtoc yac mba waêñ sa-ñga dom.

⁷ Kilisi dau kêyalin yac sa ati †aposel, ma tu dinan-nga dec gitôm bu yac oc tanjkwê mac bu akêñ gêñ tu anem yac sa-nga. Tigen yac atec bu akêñ ñawapac têt mac, dec andac mac bu akêñ gêñ dan têt yac dom. Yac ambo awhin mac ti akôm gêñ malô, gitôm dinda dan yob in ndê balêkoc. ⁸ Yac atac ñayham atu bu ahoc Anötö ndê ñawaé ñayham asê têt mac. Magoc yac akêñ gêñ tigen dinan dom. Yac alic ñayham bu akêñ daun sambuc tu mac-nga bocdinañ. Nahu bu yac atac whin mac ndu andô. ⁹ O asidôwai, gauc nem gwelen nan yac akôm yêc mac nem gameñ. Yac ambo awhin mac bu ahoc Anötö ndê ñawaé ñayham asê, magoc tôm ac ti ôbwêc yac akôm gwelen atu whin, bu akôm kwan daun-nga. Yac atec bu akêñ ñawapac têt mac, ma tu dinan-nga dec yac akôm gwelen dinan.

¹⁰ Mac lau nan akêñ whin Yisu alic yac mba mêtê hon nan akôm têt ndoc yac ambo awhin mac, ma anyalê bu yac akôm gêñ so dan dom. Yac akôm mêtê gitêt ti dabun en. Ma Anötö kêyalê yac mba mêtê hon whin. ¹¹ Mac anyalê bu yac akôm mêtê ñayham têt mac hon, gitôm damba dan kôm têt in ndê balêkoc. ¹² Yac am malô mac, ma angilî mac ti ac yomsu mac bu anşêlêt ti asa nem lêt atôm Anötö ndê lau dabun solop. Bu in kêgalêm mac sa bu asôc in ndê †golin ñapu, ma bu atap in ndê ñawasi atu sa.

Lau Tesalonika-nga sêhóc ñawapac magoc sêlhac ñannga

¹³ Ma yac am danje Anötö tôm bêc hon, bu têt ndoc mac ango in ndê yom yêc yac, nan mac akôc sa gitôm ñamalac si yom ñambwa dom. Mba! Mac

anjalê napep bu Anötö ndê yom solop, ma bocdinañ dec mac akôc sa. Ma kwahic dec yac anjalê bu yom dau kôm gwelenj yêc mac nem njalôm. ¹⁴ Nahu bu mac daôm nem lau nañ sêkêñ whiñ dom, nañ sêkêñ njawapac daêsam têñ mac, magoc yac alic bu mac alhac nãnga. O asidôwai, njalên dinañ mac ankcuc Anötö ndê gôlôwac dabuñ nañ sêmbo gameñ Judia-nga, nañ si lên. Bu nac dau si lau Israel-nga sêkêñ njawapac têñ nac tu sêkêñ whiñ Yisu Kilisi-nga. ¹⁵ Anğô su nañ! Muñ-nga lau Israel-nga dau sic Anötö ndê lau propet ndu, ma nasawa lec nac sic Pômdau Yisu ndu, ma sêsoc yac su yêc nac si gameñ. Nac si lên dinañ Anötö gêlic sac. Ma nac sêkêñ kisa lau yêc gameñ hon, ¹⁶ bu nac sêkôm bu sêlhac yac mba gwelenj njavaê nayham-nga ahuc e yac atôm dom bu ahoc yom asê têñ flau gameñ apa-nga pi Anötö ndê lên nem nac si-nga. Bocdinañ sac nañ nac sêkôm, nañ kêsôwec tiatu napan, ma nac sic waê bu sêtap Anötö ndê tac nandê atu sa.

Pol tac whiñ bu lic lau Tesalonika-nga tiyham

¹⁷ O asidôwai, lau nañ sêkêñ kisa yac, nañ sêkac yac su ambo ahê mac nasawa apê lec. Yac anôn mba, magoc yac gauc gêm mac napan, ma yac atac whiñ kêlêc bu alic mac tiyham. ¹⁸ Yac atac whiñ bu ambu aloc, ma aö Pol kasahê tidim daêsam bu waloc, tigen Sadan kalhac yac ahuc. ¹⁹ O lauhac! Têñ ndoc Pômdau Yisu bu mbu meñ, nañ yac lau aposel oc akêñ batan gên sake? Ma gên sake oc kôm yac atisambuc? Ma naöli nayham bocke oc po yac sa yêc Yisu anğô-nga? Aö wasôm têñ mac! Mac lau daôm dinañ. ²⁰ Yomandô! Mac daôm ati yac mba waêñ ti atac nayham nahu.

3

Pol kêkiñ Timoti têtj malac Tesalonika gi

¹ Yac mba ñalôm kac yac ñandô bu alic mac. Magoc atap señ dañ sa dom. Bocdinañ yac alic ñayham bu ambo malac Atens, ² ma añkiñ Timoti têtj mac goloc. In yac neñ asidôwa dañ, nañ kôm Anötö ndê gwelen ma hoc Kilisi ndê ñawaê ñayham asê whiñ yac. Yac añkiñ in têtj mac goloc, bu puc mac dôñ ma êngilí mac bu asap nem akêñ whiñ dôñ ñaŋga. ³ Yac ahêgo daun bu mboe ñawapac nañ tap mac sa, nañ oc kôm mac nem lau ñatô sêhu si sêkêñ whiñ siñ. Magoc mac aňyalê su, bu ñawapac kainñ dinañ gic waê yac lau dakêñ whiñ-ŋga. ⁴ Gauc nem bu têtj ndoc yac ambo awhiñ mac, nañ yac asôm asê têtj mac tidim daêsam, bu kisa oc tap yac sa. Ma yac mba yom dinañ, kwahic dec ñandô sa su. ⁵ Aö gahêgo daun bu mboe Sadan êntôm mac e gwelen nañ yac akôm têtj mac, nañ oc ñandô mba. Gauc dinañ kôm aö ñalôm ñawapac ñapañ, dec kakinñ Timoti bu lic mac ma kêñ ñawaê têtj aö bu mac asap nem lêñ akêñ whiñ-ŋga dôñ, me ahu siñ su.

Pol tac ñayham têtj ndoc in ñgô Timoti ndê yom

⁶ Ma kwahic dec Timoti mbu meñ hóc asê aö, ma kêñ puc ñayham pi mac nem lêñ akêñ whiñ Pômdau ti atac whiñ lau-ŋga. Ma in sôm bu mac gauc gêm yac ti atac ñayham ñapañ, ma atac whiñ bu alic yac tiyham, tôm yac atac whiñ bu alic mac tiyham bocdinañ. ⁷ O asidôwai. Yac dec ambo ti ahóc ñawapac daêsam, ma lau sêkêñ kisa yac ñapañ. Tigenñ kwahic dec yac aňgô bu mac akêñ whiñ ñaŋga ambo, ma ñawaê dau puc yac dôñ ma kôm yac ñalôm tigahô. ⁸ Kwahic dec yac aňyalê bu mac

asap Pômdau dôḡ ma ahu iḡ siḡ dom, dec ambo ti atac ḡayham sambuc.

Pol teḡ mbec tu lau Tesalonika-ḡga

⁹ Yac mba atac ḡayham tu mac-ḡga ḡêm yac mba ḡalôm ahuc têtḡ ndoc yac ateḡ mbec yêt yac neḡ Anötö aḡgô-ḡga. Yac atac whiḡ ḡandô bu anem daḡe iḡ tu mac-ḡga, madec oc akôm andic ḡawaê.

¹⁰ Tôm acsalô ti ôbwêc yac ateḡ mbec ḡaḡga, ma andac Anötö bu tôc seḡ daḡ têtḡ yac bu alic mac tiyham. Yac atac whiḡ bu atêtḡ mac aloc, ma awê mac nem gauc sa tiyham pi Anötö ndê yom ḡatô, bu apuc mac nem akêtḡ whiḡ dôḡ.

¹¹ Yac andac Damaḡ Anötö lu yac neḡ Pômdau Yisu bu sêmasaḡ seḡ bu yac atêtḡ mac aloc. ¹² Ma yac ateḡ mbec tu mac-ḡga bocdec bu. Pômdau êmwasiḡ mac e mac nem mêtê atac whiḡ asidôwai sêkêtḡ whiḡ-ḡga êḡsôwec tiatu. Ma mac atac whiḡ lau hoḡ bocdinaḡ, e mac nem mêtê atac whiḡ-ḡga êḡsalê mac ahuc, tôm yac atac whiḡ mac. ¹³ Ma iḡ puc mac nem ḡalôm dôḡ bu asa Anötö ndê lêḡ eḡ, e Pômdau Yisu mbu meḡ whiḡ iḡ ndê aḡela ti lau dabuḡ hoḡ. Bocdinaḡ têtḡ ndoc mac alhac Damaḡ Anötö aḡgô-ḡga, naḡ iḡ oc lic mac bu lau dabuḡ ma mac nem giso mbasi.

4

Taḡkuc lêḡ naḡ Anötö tac whiḡ

¹ O asidôwai, yac mba yom ḡambu-ḡga têtḡ mac bocdec. Lêḡ gi têtḡ naḡ Anötö ḡêlic ḡayham, ma yac andôhôn têtḡ mac su, naḡ mac akôm ambo. Ma kwahic dec yac bu ateḡ mac tu Pômdau Yisu ndê ḡaê-ḡga, bu asap lêḡ dau dôḡ ḡapaḡ, ma akôm

tiatu-tiatu ndi. ² Bu yom honj nanj yac andôhônj têtj mac am Pômdau Yisu anjô, nanj mac anjyalê su. ³ Ma lêtj nanj Anötö tac whinj, nanj bocdec. Asa nem lêtj solop e ati lau dabujj nandô. Ma andic ahê mêtê mockainj-nga tidau-tidau. ⁴ Anötö kêmasanj lêtj njayham ma dabujj bu awê lu njac sêmbo sêwhinj dau, dec mac lau tigenj-tigenj ayob daôm bu asa lêtj dau njapep ej. ⁵ Yomandô! Akôm mêtê njalôm njagalac-nga tôm lau sambuc dom, bu njac sênyalê Anötö dom. ⁶ Ayob njapep bu mac nem danj kôm mêtê mockainj-nga whinj asidôwa danj ndê awê dom. Yac asôm asê ti akêj puc mac munj su, bu Pômdau oc kêtj njagêyô têtj lau pi sac kainj dinanj honj. ⁷ Anjô! Anötö kêgalêm yac sa bu dasa lêtj njadômbwi dom. Mba! Inj kêgalêm yac sa bu dasa lêtj dabujj ej. ⁸ Yom dindéc mej akêj Anötö, nanj kêtj ndê Njalau Dabujj sip mac nem njalôm. Bocdinaj asa nanj sôc yom dau njapu dom, nanj tec njamalac si yom dom, inj tec Anötö dau ndê yom bocdinaj.

⁹ Anötö dau kêdôhônj mac pi mêtê atac whinj asidôwai-nga, ma bocdinaj dec yac gauc gêm bu ato yom têtj mac pi mêtê dau dom. ¹⁰ Bu yac anjyalê su bu mac atac whinj asidôwai sêkêj whinj-nga honj nanj sêndôc gamej Masedonia-nga. Kwahic dec yac bu asôm têtj mac bu asap mêtê dau dôj njapanj ej, ma akôm tiatu-tiatu ndi. ¹¹ Akêj nem gauc ti atac whinj sambuc bu asa nem lêtj malô. Gauc nem gêtj nanj gic mac njawaê solop, ma auj lau njatô si yom sa dom. Ma anem gwelenj bu akôm kwam daôm-nga, tôm yac asôm têtj mac su. ¹² Akôm bocdinaj bu akêj njawapac têtj lau njatô tu sênem mac sa-nga dom. Ma lau nanj sêkêj whinj Yisu dom,

nañ oc sêlic mac nem mêtê dinañ, ma sêtoc mac nem lêñ sa.

Lau batê oc sêtisa tiyham

¹³ O asidôwai, yac atac whiñ bu awhê mac nem gauc sa pi lau nañ sêmbac ndu su. Yac atec bu mac atañ dañgibo atu tu ñac-ñga, gitôm lau nañ sêkêñ whiñ Yisu dom, nañ sêtañ. Lau dau sêtañ dañgibo atu, ñahu bu sêkêñ bata bu lau batê oc sêtisa tiyham dom. ¹⁴ Tigeñ yac dakêñ whiñ bu Yisu mbac ndu ma tisa tiyham, ma tu dinañ-ñga dec yac dakêñ whiñ bu lau nañ sêkêñ whiñ iñ ma sêmbac ndu su, nañ Anötö oc uñ ñac sa têtñ ndoc Yisu mbu meñ. ¹⁵ Pômdau dau sôm têtñ yac, ma kwahic dec yac ahoc iñ ndê yom asê têtñ mac bocdec bu. Têtñ ndoc iñ mbu meñ, nañ iñ oc kôc yac lau nañ dambo tañli, nañ sa muñ dom. Iñ oc kôc lau nañ sêmbac ndu su, nañ sa muñ. ¹⁶ Anötö oc ndic atu yom ti ñañga, ma añela ñamata-ñga oc mbwêc awha atu, ma Anötö ndê dahuc oc tañ, goc Pômdau oc sip akêñ undambê meñ. Ma lau nañ sêkêñ whiñ Kilisi ma sêmbac ndu su, nañ oc sêtisa sêmuñ. ¹⁷ Goc Anötö oc kôc yac lau nañ dambo tañli, nañ sa dapi lôlôc dandi dawhiñ ñac, ma yac hoñ oc datap Pômdau sa yêc dao ñalôm. Ma yac oc dambo dawhiñ iñ ñapañ eñ. ¹⁸ Bocdinañ, asôm yom dindec têtñ daôm, bu puc mac dôñ ma ndic malô mac nem ñalôm.

5

Pômdau ndê bêc mbu meñ-ñga

¹⁻² O asidôwai. Mac añyalê su, bu bêc Pômdau mbu meñ-ñga nañ ñapuc mbasi, tôm ñgac kañ nañ sôc andu têtñ ôbwêc. Bocdinañ yac gauc gêm bu

ato yom têtj mac pi têtj ti bêc dom. ³ Lau ñatô oc sêsôm yom bocdec bu, “Yac dambo têtj ñayham ma ñawapac mba.” Ñac oc sêsôm yom kainj dinanj sêmbo, ma ñagahô ejj bêc ñambu-ñga dau oc mej sa ma ñac oc sêninga. Lau danj oc sêlhô su têtj dinanj dom. Oc têtj awêhê tidaê nanj kêlhinj dau sinj, magoc ñandê tu kôc balêkoc-ñga mej sa inj ñagahô ñambwa.

⁴ Magoc asidôwai, mac anyalê yom pi bêc ñambu-ñga dau su. Mac atôm lau nanj sêmbo ñasec ñalôm, nanj dom. Ma bocdinañ oc têtj dom bu bêc dau hôc asê mac gitôm ñgac kanj e kôm mac asô. ⁵ Bu mac ati balêkoc ñasec ti ôbwêc-ñga dom. Mac honj ati balêkoc ñawê ti acsalô-ñga. ⁶ Bocdinañ dambo datôm lau nanj sêyêc bêc pu, nanj dom. Mba! Dambo ti neñ gauc ñawa ma danem ali. ⁷ Bu lau nanj sênôm bu ñanğa e si gauc timboloc ma sêyêc bêc pu ñawahô, nanj lau ñasec ti ôbwêc-ñga. ⁸ Magoc yac lau ñawê-ñga, ma bocdinañ dambo ti neñ gauc ñawa. Mêtê dakêñ whin-ñga ma atac whin lau-ñga, nanj dasap dôñ ñanğa, gitôm ñakwê sinj-ñga nanj dasôc sac yac ñabapo. Ma yac neñ dakêñ batanj Anötö ndê mwasinj nem yac si-ñga ña-ñandô, nanj gitôm guluj ain nanj lau sinj-ñga sêuj. ⁹ Bu Anötö kêyalinj yac sa bu dahôc inj ndê tac ñandê dom. Inj kêyalinj yac sa bu datap inj ndê mwasinj nem yac si-ñga sa tu Pômdau Yisu Kilisi-ñga. ¹⁰ Yisu mbac ndu tu yac-ñga, ma bocdinañ yac bu dambac ndu me dambo tanji têtj ndoc inj mbu mej, nanj tanjalê bu yac oc dambo tanji dawhinj inj. ¹¹ Tu dinanj-ñga asôm yom ñayham-ñayham têtj daôm, ma apuc daôm dôñ bu alhac ñanğa, têtj mac akôm ambo.

Yom ñambu-ñga

¹² O asidôwai. Yac bu andac mac bu atoc lau bata nañ sêyob mac sem Pômdau angô, nañ sa ñapep. Ñac sêkôm gwelenj atu tu sênem mac sa-nga, ma sem la mac tu bu mac asap lêñ gitêñ dôñ ej. ¹³ Bocdinañ atoc ñac sa ma atac whiñ ñac tu gwelenj atu nañ sêkôm têñ mac-nga. Ma mac hoñ ambo awhiñ daôm ti atac malô ej.

¹⁴ Asidôwai. Yac bu anem la mac bocdec bu. Akêñ puc lau oyom bu sêndöc ñambwa dom. Lau nañ maya ti sêtöc dau, nañ angilí ñac bu sêlhac ñanga. Ma anem lau gauc babalê ma lau licwalô mba, nañ sa. Akôc nem ñalôm dôñ ma akôm mêtê malô têñ lau hoñ. ¹⁵ Lau bu sêkôm sac têñ mac, nañ dec mac hoñ ayob daôm bu aô dom. Mac lau akêñ whiñ-nga akôm mêtê ñayham ej têñ daôm, ma têñ lau hoñ bocdinañ.

¹⁶ Tôm bêc hoñ ambo ti atac ñayham. ¹⁷ Ma aten mbec ñapan. ¹⁸ Anem danje Anötö tu gêñ wapac me gêñ ñayham bocke nañ tap mac sa-nga. Bu in tac whiñ bu mac lau nañ akêñ whiñ Yisu Kilisi, nañ añkuc lêñ dinañ. ¹⁹ Ma asi Ñalau Dabuñ ndê ya ndu dom. ²⁰ In bu kac lau ñatô bu sêhoc yom asê gitôm propet, nañ dec apu ñac si yom dom. ²¹ Añsahê gêñ hoñ, ma asap ñayham dôñ. ²² Ma andic ahê mêtê sac-sac hoñ.

²³ Yac aten mbec tu mac-nga bocdec bu. Anötö Yom Malô Ñadau ndic dabiñ mac ati lau dabuñ solop. Ma bocdinañ têñ bêc nañ Pômdau Yisu Kilisi mbu meñ, nañ Anötö oc tap sa bu mac nem giso mbasi, ma lic mac nem gatôm ti nem ñalôm ma ñamlic sambuc bu dabuñ. ²⁴ Yac akêñ whiñ bu Anötö, nañ kêgalêm mac sa, nañ oc ngô yac mba mbec ma kôm ñandô sa.

²⁵ O asidôwai, atenɲ mbec tu yac-ɲga. ²⁶ Ma akam asidôwai hoɲ anem yac aɲôɲ tu Pômdau Yisu-ɲga. ²⁷ Yêc Pômdau aɲgô-ɲga, aô wandac mac bu asam bapia dindéc têtɲ asidôwai hoɲ naɲ sêmbo mac nem gamenɲ. ²⁸ Pômdau Yisu Kilisi ndê mwasinɲ têtɲ mac hoɲ.

Anötö ndê Yom Lêñsêḿ Wakuc
The New Testament in the Bukawa language of Papua
New Guinea

Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 21 Apr 2023 from source files dated 9 Oct 2020

545e5ca3-1e95-59e4-8380-93951e023cf7